


聖廟祀典圖考

射



		五	漢
		一	書
		四	門
		六	
六	九	九	一
冊	架	函	號
類			

庫	文	閣	內
元	五		漢
九	一		書
函	六		
九	六		
架	冊	號	類

內閣文庫	
番號	漢 5162
冊數	6 ( 3 )
函號	295 13





聖廟祀典圖考卷三 長洲顧沅湘舟敬輯

先

賢

陽

子

載

像

淺草文庫





張子載字子厚世大梁人父迪知涪州事卒於  
 官諸孤皆幼不克歸僑寓鳳翔郿縣之橫渠鎮因  
 家焉始就外傳志氣不羣少孤自立無所不學邠  
 焦寅喜談兵載悅其言當康定用兵時年十八慨  
 然以功名自許欲結客取洮西之地年二十一以  
 書謁范仲淹仲淹一見知其遠器警之曰儒者自  
 有名教可樂何事於兵因勸讀中庸載讀其書猶  
 以為未足又求諸釋老者累年盡究其說無所得  
 乃反求之六經嘉祐初見二程於京共語道學渙



然自信曰吾道自足何事旁求乃盡棄異學淳如  
也是時載已坐虎皮講易京師從者甚衆一夕二  
程至論易次日撤坐轡講曰吾平日爲諸公說者  
皆亂道二程深明易道吾所弗及汝輩可師之嘉  
祐二年登進士第爲祁州司法參軍遷雲巖縣令  
爲政以敦本善俗爲先熙寧二年以中丞呂公著  
薦神宗召問治道對曰爲治不法三代者終苟道  
也帝悅以爲崇文院校書與王安石語新政不合  
尋移疾歸召知太常禮院與有司議禮不合後以

疾歸中途而卒年五十八世稱爲橫渠先生所著  
書號正蒙又作東西銘程伊川謂西銘明理一而  
分殊擴前聖所未發與孟子性善養氣之論同功  
自孟子後蓋未之見也嘉定十三年謚曰明淳祐  
元年從祀封郡伯明嘉靖九年改稱先儒張子崇  
正十五年稱先賢張子

東廡第三十七位



<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>	<p>...</p>
------------	------------	------------	------------	------------	------------	------------	------------	------------	------------

先賢程子  
 頤像





程子 頤字正叔明道之弟嘉祐四年舉進士廷  
試報罷遂不復試治平元豐間屢薦不起元祐元  
年召對擢崇政殿說書每當進講必宿齋豫戒潛  
思存誠冀以感動上意崇寧五年致仕大觀元年  
卒于家年七十五世稱爲伊川先生頤于書無所  
不讀其學本于誠以大學論語孟子中庸爲標指  
而達于六經動止語默一以聖人爲師其不至乎  
聖人不止也張載稱其兄弟從十四五時便脫然  
欲學聖人故卒得孔孟不傳之學以爲諸儒倡其



言之旨若布帛菽粟然知德者尤尊崇之頤嘗自  
 言我昔狀明道先生之行我之行蓋與明道同異  
 時欲知我之行於此文求之可也所著書有易春  
 秋傳傳於世嘉定十三年謚曰正淳祐元年從祀  
 封伊陽伯元至順元年封洛國公明嘉靖九年改  
 稱先儒程子崇正十五年稱先賢程子

東廡第三十八位

先儒尚羊  
 子高像





公羊子 高齊人受春秋于卜子夏高傳其子平  
 平傳其子地地傳其子敢敢傳其子壽壽傳與弟  
 子齊人胡毋生趙人董仲舒著以竹帛胡毋生授  
 東海嬴公嬴公授同郡孟卿孟卿授魯人眭孟眭  
 孟授東海嚴彭祖魯人顏安樂故後漢公羊有嚴  
 氏顏氏之學仲舒以公羊顯於朝授季育育授羊  
 弼弼授何休休作解詁其學遂大行於世唐貞觀  
 二十一年從祀宋大中祥符二年封臨淄伯明嘉  
 靖九年改稱先儒公羊子

東廡第三十九位



二十一平苗瓜宋大中無符二年桂嗣離海即棄  
 無識趣向利利利輪前其學教大言外世真真  
 大隨刃之樂中情也公年應其應對季官官對年  
 並對東西對也血營人前定樂外對對公年序規  
 東感竊公竊衣對同應也血營人前對對人無血和  
 十幾人隨對也血營人前對對對對對對對對對  
 十幾其十幾對對其十幾對對對對對對對對對  
 公年十幾對對對對對對對對對對對對對對對

子	先
庚	儒
國	子
像	國





子國子 安國字子國孔子十一世孫少學詩於  
 申培受尚書於伏生武帝時為侍中魯共王壞孔  
 子舊宅得古文虞夏商周之書及傳論語孝經上  
 之帝悉以還孔氏仍詔安國作傳安國乃考論古  
 今文義作論語訓解尚書孝經傳又集先聖家語  
 尚書增多伏生二十八篇伏生又以舜典合於堯  
 典益稷合于臯陶謨盤庚三篇合為一康王之誥  
 合于顧命復出此篇并序凡五十九篇為四十六  
 卷復引書序以各冠其篇首定五十八篇安國後



自博士遷臨淮太守以病免年十六卒古文尚書  
 自安國後相傳不絕賈逵與馬融鄭康成作為訓  
 注西晉永嘉之亂眾家之書並亡唯古文尚書獨  
 行唐貞觀二十一年從祀宋大中祥符二年封曲  
 阜伯明嘉靖九年改稱先儒子國子

東廡第四十位

先儒  
 子國子  
 像






毛子 萇字長公河間人善說詩初孔子刪詩以  
 授子夏子夏授魯申申授李克克授孟仲子仲子  
 授根牟子根牟子授孫卿孫卿授毛亨亨稱大毛  
 公為詩訓詁授子萇萇為河間獻王博士稱小毛  
 公著有毛詩故訓二十卷詩傳十卷每說詩獻王  
 悅之取詩傳加毛字以別齊魯韓三詩萇授貫長  
 卿長卿授解延年延年授徐敖敖授陳俠俠授謝  
 曼卿曼卿授衛宏詩故有小序相承為子夏作附  
 經後萇引以入經及宏又加潤飾鄭眾賈逵馬融



並作毛詩傳鄭康成作毛詩箋齊魯詩已亡韓詩  
雖存無傳之者唯毛詩鄭箋至今獨立唐貞觀二  
十一年從祀宋大中祥符封樂壽伯明嘉靖九年  
改稱先儒毛子東廡第四十一位

皇朝祀典圖考 卷三 十一  
鄭康成作毛詩箋齊魯詩已亡韓詩  
雖存無傳之者唯毛詩鄭箋至今獨立唐貞觀二  
十一年從祀宋大中祥符封樂壽伯明嘉靖九年  
改稱先儒毛子東廡第四十一位







高堂子

生

漢書無名稱生者乃諸儒之稱


魯人齊公族也或曰

高敬仲食采於高唐因姓焉禮自孔子時而其經已不具及至秦焚書書散亡益多於是獨有士禮十七篇高堂生能言之漢初諸學者多言禮而魯徐生善為容以容為禮官大夫傳子至孫延襄又授弟子公戶滿意桓生單次蕭奮於是諸言禮為容者由徐氏後又有古經出淹中河間獻王好古愛學收集餘燼得而獻之合五十六篇並威儀之事及明堂陰陽之記字皆大篆因名曰古文儀禮



內惟十七篇與高堂生所傳不殊而字又多異餘  
 三十九篇並無敢傳之者以無師說今皆亡高堂  
 生所傳者稱為今文儀禮鄭康成爲之注而唐賈  
 公彥疏焉唐貞觀二十一年從祀宋大中祥符二  
 年封萊蕪伯明嘉靖九年改稱先儒高堂子東廡  
 位十二

高堂子... 禮記... 儀禮... 鄭康成... 賈公彥... 疏... 唐貞觀... 二十一年... 從祀... 宋大中祥符... 二年... 封萊蕪伯... 明嘉靖九年... 改稱先儒高堂子... 東廡... 位十二







鄭子

康成

不書名謹避  
聖祖仁皇帝廟諱

北海高密人少

事京兆第五元通京氏易公羊春秋三統歷九章  
 算術又從東郡張恭祖受周官禮記左氏春秋韓  
 詩古文尚書復入關從扶風馬融受學後歸鄉里  
 學徒相隨已數百千人時任城何休好公羊學遂  
 著公羊墨守左氏膏肓穀梁廢疾康成乃作發墨  
 守鍼膏肓起廢疾以排之休見而歎曰康成入吾  
 室操吾矛以伐我乎年六十弟子河內趙商等自  
 遠方至者數千國相孔融深敬康成告高密縣為



聖原正統卷三  
特立一鄉廣開門衢令容高車號爲通德門建安  
二年徵爲大司農以病乞還家年七十四卒于元  
城門生相與撰康成荅弟子問五經依論語作鄭  
志八篇凡康成所注周易尙書毛詩儀禮禮記論  
語孝經尙書大傳中候乾象歷又著天文七政論  
魯禮禘祫議六藝論毛詩譜駁許慎五經異議荅  
林孝存周禮難凡百餘萬言史稱其囊括舊典網  
羅衆家刪裁繁蕪刊改漏失自是學者累知所歸  
仲尼之門不能過也唐貞觀二十一年從祀宋大

中祥符封高密伯明嘉靖九年張璁奏改祀於鄉  
國朝雍正二年奉

旨復祀稱先儒鄭子

東廡第四十三位









諸葛子亮字孔明琅邪陽都人太山郡丞珪之  
子早孤遭漢亂避難荆州居襄陽隆中少有逸羣  
之才英霸之器每自比管仲樂毅時人莫之許也  
惟博陵崔州平潁州徐庶與友善謂爲信然時昭  
烈屯新野徐庶謂昭烈曰諸葛孔明臥龍也將軍  
宜枉駕顧之昭烈凡三往乃見與語當世之事大  
悅之情好日密謂關張曰孤之有孔明猶魚之有  
水也及昭烈卽帝位以亮爲丞相後主建興元年  
封武鄉侯領益州牧十二年卒于渭南軍中年五



十四謚忠武立廟沔陽亮為丞相開誠布公循名  
 責實善無微不賞惡無纖不貶刑政雖峻而無怨  
 者以其用心平而勸戒明也亮誠子書云非澹泊  
 無以明志非寧靜無以致遠蓋其得力于聖賢之  
 學于此可見故能處不苟合當世出則盡忠所事  
 朱子稱其有王佐才而遇非其時可謂得亮之真  
 者矣所著文集凡二十四篇

國朝雍正二年奉

旨從祀稱先儒諸葛子

東廡第四十四位

人太山瀛丞赴

先儒諸葛子  
 祀像





王子 通字仲淹河東龍門人父隆隋國子博士  
通年十五受書於東海李育學詩於會稽夏璵問  
禮於河東關子明正學于北平霍汲攷易於族父  
仲華不解衣者六年仁壽三年西遊長安奏太平  
十二策知謀之不用作東征之歌而歸乃贊易續  
詩書著禮樂論修元經號王氏六經既就門人自  
遠而至往來受業者蓋千餘人河汾之教號爲極  
盛大業十四年卒於家門人謚曰文中子子福郊  
福時取通答門弟子問爲中說十卷通所續書後



亡其序有錄無書者十篇福時子勃補完缺逸定  
 著二十五篇明嘉靖九年從祀稱先儒王子東廡  
 第四十五  
 值


先儒陸子  
 質像





陸子 贄字敬輿蘇州嘉興人年十八第進士中  
博學宏辭以書判調拔萃科補渭南尉德宗在東  
宮聞其名召爲翰林學士朱泚之變從幸奉天時  
行在倉皇贄年少得君凡有大事皆取贄裁決人  
號爲內相貞元八年拜中書侍郎同平章事會賈  
參與贄不協裴延齡以姦回得幸人莫敢言獨贄  
抗言其罪翰林學士吳通元亦忌贄先達遂陰結  
延齡等互短贄於帝前由是帝意漸移明年貶爲  
忠州別駕及順宗立召還詔未至贄已卒年五十



二贈兵部尚書諡曰宣贊在朝廷敷陳剴切其學術純粹實淵源鄒魯故當德宗奉天播遷之日詔書旁午贊灑翰卽成不假起草而武夫悍卒讀之無不感激流涕卒平大亂貞元再造功耀寰區由其仁義之言入人深也然厄于羣小不獲盡其用天下惜之著有制誥集十卷奏章七卷中書奏議七卷在忠州時有集驗方五十卷

國朝道光六年奉

旨從祀稱先儒陸子

東廡第四十六位

先儒司馬  
子炎像





司馬子光字君實陝州人父池天章閣待制光  
生七歲手不釋書凜然如成人寶元初中進士甲  
科嘉祐間知諫院數上疏勸立國嗣帝大感動遂  
立英宗爲皇子神宗初爲御史中丞上疏論修心  
之要三曰仁曰義曰武治國之要三曰官人曰信  
賞曰必罰其說甚備且曰臣獲事三朝皆以此六  
言獻平生力學所得盡在是矣王安石行新法光  
逆疏其利害抗章至七八遂求去居洛陽十五年  
哲宗初赴闕民遮道曰公無歸洛畱相天子活百



皇朝正統圖考 卷三  
姓元祐元年拜尚書左僕射兼門下侍郎遂罷青  
苗錢復常平糶糶法遼夏使至必問起居勅邊吏  
曰中國相司馬矣無輕生事是年卒年六十八贈  
太師溫國公謚文正賜碑曰忠清粹德都中及四  
方皆畫像以記光孝友忠信恭儉正直居處有法  
動作有禮誠心自然天下敬信陝洛間皆化其德  
有不善曰君實得無知之乎光於物澹然無所好  
於學無所不通惟不喜釋老曰其微言不出吾書  
其誕吾不信也所著有文集資治通鑑通鑑攷異

歷年圖通歷稽古錄宋百官公卿表翰林詞草註  
古文孝經易說註繫辭註老子道論集註太元經  
大學中庸義集註楊子文中子傳河外諮目書儀  
家範續經話遊山行記醫問建炎中配享哲宗廟  
庭咸淳三年從祀明嘉靖九年改稱先儒司馬子  
東廡第四  
十七位









歐陽子 修字永叔廬陵人父觀爲綿州軍事推  
官修四歲而孤母鄭親誨之學家貧至以荻畫地  
學書幼敏悟過人所覽輒成誦及冠嶷然有聲試  
南宮第一擢甲科授西京畱守推官始從尹洙遊  
爲古文迭相師友遂以文章爲天下宗匠嘉祐二  
年以翰林學士知貢舉時士子多爲險怪奇澁之  
文修痛排抑之文格遂變而復正五年拜樞密副  
使六年參知政事熙寧四年以太子少師致仕五  
年卒年六十六贈太子太師謚文忠修天資剛勁



見義勇爲雖機穽在前觸之不顧放逐流離至于再三志氣自若也篤于朋友生則振翼之死則調護其家獎引後進如恐不及爲政簡易循理不求聲譽凡知開封及諸郡所至而治修于經術務明其大本其所發明簡當明白作本論等篇正人心闢邪說起衰救弊天下翕然師尊之蘇軾序其集云論大道似韓愈論事如陸贄記事如司馬遷詩賦似李白識者以爲得其實云修好古嗜學輯三代以來金石刻凡一千卷謂之集古錄校正史氏

百家之譌爲多奉詔與宋祁修新唐書祁撰列傳修撰紀志表又自撰五代史及易童子問詩本義居士集內外制奏議四六集歸田錄行世明嘉靖九年從祀稱先儒歐陽子

東廡第四十八位









胡子 安國字康侯建寧崇安人七歲爲小詩有  
自任以文章道德之句稍長入太學以程頤之友  
朱長文及潁川靳裁之爲師裁之與論經史大義  
深奇重之登紹聖四年進士第除荆南教授歷官  
寶文閣直學士紹興八年卒年六十五謚文定安  
國彊學力行以聖人爲標的志於康濟時艱見中  
原淪沒遺黎塗炭常若痛切於其身雖數以罪去  
其愛君憂國之心遠而彌篤每有君命卽置家事  
不問然風度凝遠蕭然塵表視天下萬物無足以



嬰其心自登第及謝事四十年在官僅六載故渡江以來儒者進退合義以安國尹焞為稱首所著有胡氏春秋傳資治通鑑舉要補遺一百卷文集五十卷正統元年從祀成化三年追封建寧伯嘉靖九年改稱先儒胡子

東廡第四十九位

士正齋文集

嘉靖九年改稱先儒胡子  
東廡第四十九位  
士正齋文集

先儒尹焞  
焞像



闕

尹子焯字彥明一字德充世爲洛人少師事程頤嘗應舉發策有誅元祐諸臣議遂不對而出終身不就舉頤旣沒焯聚徒洛中非吊喪問疾不出戶士大夫宗仰之靖康初以种師道薦召至京師不欲畱賜號和靖處士金人陷洛焯自商州奔蜀止于涪涪頤讀易地也關三畏齋以居邦人不識其面紹興四年侍讀范冲舉焯自代授左宣教郎充崇政殿說書以疾辭六年詔以秘書郎兼說書趣起之始就職八年稱疾在告除權禮部侍郎兼

尹子焯字彥明一字德充世爲洛人少師事程頤嘗應舉發策有誅元祐諸臣議遂不對而出終身不就舉頤旣沒焯聚徒洛中非吊喪問疾不出戶士大夫宗仰之靖康初以种師道薦召至京師不欲畱賜號和靖處士金人陷洛焯自商州奔蜀止于涪涪頤讀易地也關三畏齋以居邦人不識其面紹興四年侍讀范冲舉焯自代授左宣教郎充崇政殿說書以疾辭六年詔以秘書郎兼說書趣起之始就職八年稱疾在告除權禮部侍郎兼



聖賢傳 卷三  
侍講時朝廷方與金使議和焯上疏力諫不報因  
固辭新命九年致仕十二年卒焯莊正仁實不過  
于心不欺閭室自誠而明以之開物成務推放皆  
準其爲學之要有三曰玩味曰涵養曰踐履主一  
之功多于窮理當是時學于程門者固多君子然  
求質直宏毅實體力行若焯者蓋鮮頤常以魯許  
之且曰我死而不失其正者尹氏子也著有論語  
解門人問荅行世  
國朝雍正年奉

旨從祀稱先儒尹子

東廡第五十位









呂子 祖謙字伯恭其先萊人祖好問隨高宗南渡始居婺州祖謙之學本諸家庭有中原文獻之傳長從林之奇汪應辰胡憲游旣又友張栻朱熹講索益精舉隆興元年進士累官著作郎兼國史院編修官淳熙八年卒年四十五學者稱東萊先生祖謙學以關洛爲宗而旁稽載籍心平氣和能貫串古今之學一時英偉卓犖之士皆歸心焉奉詔纂皇朝文鑑一百五十卷又著有攷定古周易書說闡範官箴辨志錄歐陽公本末行世嘉泰八









蔡子 沉字仲默建州建陽人元定子少從朱熹  
 遊熹晚欲著書傳未及為遂以屬沉洪範之數學  
 者久失其傳元定獨心得之然未及論著曰成吾  
 書者沉也沉受父師之命沉潛反覆者數十年然  
 後成書傳及洪範皇極內篇年僅三十屏去舉子  
 業一以聖賢為師隱居九峯當世名卿物色之將  
 薦于朝皆不就紹定三年卒年六十四世稱九峯  
 先生明正統元年從祀謚文正成化三年封崇安  
 伯嘉靖九年改稱先儒蔡子

東廡第五  
 十二位









陸子九淵字子靜撫州金谿人父賀以學行為里人所宗九淵少時舉止異凡兒見者敬之嘗讀古書至宇宙二字解者曰四方上下曰宇往古來今日宙忽大省曰宇宙內事乃已分內事已分內事乃宇宙分內事登乾道八年進士第士爭從之游言論感發開而興起者衆授靖安主簿淳熙中詔主管台州崇道觀還鄉學者輻輳每開講席戶外屢滿耆老扶杖觀聽自號象山翁學者稱象山先生光宗即位差知荆門軍逾年政行令修民俗



爲變卒謚文安九淵與兄九齡並講貫理學時號  
江西二陸其學務窮本原不爲章句訓詁惟孔孟  
書是崇是信謂此心之良天所與我信口能及此  
則宇宙無非至理聖賢與我同類常與朱熹會鶩  
湖論辨所學多不合及熹守南康九淵訪之熹與  
至白鹿洞九淵爲講義利章熹以爲切中學者深  
痼之病惟無極而太極之辨則貽書往來論難不  
置九淵晚年亦深悔鶩湖舊說之非甚欲著實看  
書平心下氣而熹贈九淵詩亦有舊學商量加邃

密新知培養轉深沈句蓋未常不始岐而終合云  
明嘉靖九年從祀稱先儒陸子


東廡第五  
十三位







闕



陳子 淳字安卿漳州龍溪人少習舉子業林宗  
 臣見而奇之告曰此非聖賢事業也因授以近思  
 錄淳退而讀之遂盡棄其業焉及朱熹守漳淳從  
 游郡齋爲學益力日求其所未至熹語人曰南來  
 吾道喜得安卿淳于書無不讀于物無不格義理  
 貫通洞見條緒嘉定十年以特奏恩授迪功郎泉  
 州安溪主簿未上而沒年六十五所著有語孟學  
 庸口義字義詳講禮詩女學等書門人稱爲北溪  
 先生錄其語號筠谷瀨口金山所聞









皇朝元史圖考 卷二

魏子 了翁字華父邛州蒲江人數歲從諸兄入學儼如成人稍長英悟絕出日誦千餘言過目不  
再覽鄉里稱爲神童從李燔輔廣遊登慶元五年  
進士第歷除校書郎丁父憂解官築室白鶴山下  
以所聞于燔廣者授徒士爭負笈從之稱爲鶴山  
先生由是蜀人盡知義理之學嘉定中歷知諸州  
郡化民善俗治績丕著召爲兵部郎中寶慶元年  
降官居清州湖湘江浙之士不遠千里負書從學  
紹定四年復職累遷端明殿學士同簽樞密院事

皇朝元史圖考 卷二

四



進封臨邛郡侯在朝前後章疏凡數十上皆苦心  
 空臆直述事情言人所難嘉熙元年改知福州福  
 建安撫使卒于任贈太師秦國公謚文靖所著有  
 鶴山集九經要義周易集義易舉隅周禮井田圖  
 說古今考經史雜抄師友雅言

國朝雍正二年奉


旨從祀稱先儒魏子

東廡第五十五位

先儒王子  
 柏像



賜



王子 栢字會之婺州金華人氣稟雄偉勇于求  
 道欲以身任天下之重少慕諸葛亮為人自號長  
 嘯一日讀論語至居處恭執事敬惕然曰長嘯非  
 聖門持敬之道乃更號魯齋問何基常從黃榦得  
 朱熹之傳即往從之得聞立志居敬之旨栢為學  
 堅實堅苦有疑必從基質之於論語大學中庸孟  
 子通鑑綱目標注點校尤為精密卒謚文憲所著  
 有讀易記涵古易說大象衍義涵古圖書讀書記  
 書疑詩辨說讀春秋記論語衍義伊洛經義研幾



圖書經章句論語通旨孟子通旨書附傳左氏正  
 傳續國語闢學之書文章復古文章續古濂洛文  
 統擬道志朱子指要詩可言天文攷地理攷墨林  
 攷大爾雅六義字源正始之音帝王歷數江右淵  
 源伊洛精義雜志周子發遣三昧文章指南朝華  
 集紫陽詩類家乘文集等書

國朝雍正二年奉

旨從祀稱先儒王子

東廡第五十六位

先儒評子  
 衡像





許子 衡字仲平懷州河內人幼穎悟不凡稍長嗜學如飢渴往來河洛間從姚樞得程朱氏書益大有得尋居蘇門與樞及竇默日相講習慨然以斯道爲己任世祖在秦中聞其名徵授京兆提學及卽位召爲太子太保累官集賢大學士兼國子祭酒至元十八年卒年七十三學者稱魯齋先生衡真知力行實見允蹈齋居修日肅如神明其爲學以明體達用爲主其修己以存心養性爲要其事君以責難陳善爲務其教人以灑掃應對爲始



精義入神為終雖時尙鑿柄不少變其規矩善教  
人其言煦煦雖武人俗士異端之徒聽之無不感  
悟者所著有魯齋集大德二年贈司徒謚文正至  
大二年加贈太傅開府儀同三司封魏國公皇慶  
二年從祀明嘉靖九年改稱先儒許子

東廡第五十七位

禮部議曰許子所著魯齋集其言皆切於時世其學  
大亦皆切於時世其言皆切於時世其學大亦皆切於  
言學切於時世其言皆切於時世其學大亦皆切於  
言學切於時世其言皆切於時世其學大亦皆切於

先儒許子

講像





許子 謙字益之婺州金華人父觥淳祐進士仕  
 未顯謙幼孤甫能言世母陶口授孝經論語入耳  
 輒不忘稍長肆力于學雖疾恙不廢讀既乃受業  
 于仁山金履祥盡得其所傳之奧于書無不讀窮  
 探聖微雖殘文羨語皆不敢忽其他若天文地理  
 典章制度食貨刑法字學音韻醫經術數之說靡  
 不該貫旁及釋老之言亦洞究其蘊辨其同異別  
 其是非延祐初隱居東陽金華山學者不憚百舍  
 重趼而至著錄者千餘人隨其材分皆有所得獨



不以科舉文授人曰此義利之所由分也不出里  
閭者四十年四方之士以不及門爲恥至晚節獨  
以身任正學之重遠近學者以其身之安否爲斯  
道之隆替焉至元三年卒年六十八嘗以白雲山  
人自號世稱白雲先生賜諡文懿其先是何基王  
柏及金履祥沒朱子之學猶未大顯至謙而道乃  
益著故學者推原統緒以爲朱子之世適所著有  
四書叢說詩名物鈔讀書傳叢說觀史治忽幾微  
自省編白雲集行世

國朝雍正二年奉

旨從祀稱先儒許子

東廡第五  
十八位









薛子 瑄字德温山西河津人父貞元氏教諭瑄  
少卽穎敏日記千百言年十二以所作詩賦呈監  
司監司奇之欲以奇童薦固辭旣而聞高密魏希  
文海寧范汝舟深于理學乃並師之由是盡焚所  
作詩賦究心洛閩淵源至忘寢食登永樂辛丑進  
士累官禮部侍郎兼翰林院學士入內閣尋致仕  
瑄學一本程朱其修己教人以復性爲主克養窳  
密言動可法嘗曰自考亭以還斯道已大明無煩  
著作直須躬行耳有讀書錄二十卷皆自言其所



得學者宗之尊為河東夫子亦稱敬軒先生天順八年卒年七十六贈禮部尚書謚文清弘治九年詔祀于鄉隆慶五年從祀稱先儒薛子

東廡第六十位

上原谷人薛子亦稱敬軒先生天順八年卒年七十六贈禮部尚書謚文清弘治九年詔祀于鄉隆慶五年從祀稱先儒薛子

先儒王  
身仁像





王子守仁字伯安浙江餘姚人南京吏部尚書  
華之子弱冠舉鄉試登宏治十二年進士授刑部  
主事正德元年以論救戴銑等忤劉瑾謫貴州龍  
場驛丞瑾誅量移廬陵知縣累擢右僉都御史巡  
撫南贛寧王宸濠叛發兵討平之世宗卽位論功  
封新建伯嘉靖六年總督兩廣詔征思田因平八  
寨病乞致仕行至南安卒年五十七守仁天姿異  
敏過目成誦年十七謁上饒婁諒與論朱子格物  
大旨謂聖人可學而至深有所契謝病歸時築室



陽明洞中研窮泛濫者數年無所得謫龍場窮荒  
 無書日繹舊聞忽悟格物致知當自求諸心不當  
 求諸事物喟然曰道在是矣遂薦信不疑屹然以  
 斯道為己任雖旦夕軍旅與儒生講學不廢其為  
 教專以致良知為主蓋曰無善無惡者心之體有  
 善有惡者心之用知善知惡者良知為善去惡者  
 格物此其說之宗旨也著述甚多如傳習錄及文  
 集皆行于世隆慶初贈新建侯謚文成萬歷十二  
 年從祀稱先儒王子

東廡第五十九位

先

儒

羅

子

錄

傳

習




闕

皇朝正統

卷三

三



羅子 欽順字允升江西泰和人宏治六年進士  
及第授編修遷南京國子監司業與祭酒章懋以  
實行教士未幾以乞終養忤劉瑾奪職爲民瑾誅  
復官上疏言四事曰修德曰勤政曰作士氣曰審  
時宜疏入畱中遷南京太常少卿世宗卽位累遷  
禮部尙書皆辭乞致仕時張璠桂萼以議禮驟貴  
秉政樹黨屏逐正人欽順恥與同列故屢詔不起  
里居二十餘年足不入城市潛心格物致知之學  
王守仁以心學立教欽順與書往復辨論後書未









黃子道周字幼平福建漳浦人天啟二年進士  
改庶吉士授編修崇禎二年進右中允以疏刺大  
學士周延儒溫體仁斥爲民九年召復故官十一  
年充日講官遷少詹事復以論大學士楊嗣昌奪  
情貶江西按察使照磨旋削籍下獄戍廣西十五  
年復故官請假歸居久之福王監國起吏部左侍  
郎趨朝陳進取九策拜禮部尙書明年三月遣祭  
告禹陵甫竣事南都亡見唐王聿鍵於衢州奉表  
勸進拜武英殿大學士是時國勢衰微大帥選悞



聖廟前止  
卷三  
觀望不敢出道周憤自請督師進至婺源戰敗就  
執至江寧幽別室中囚服著書臨刑過東華門坐  
不起曰此與高皇帝陵寢近可死矣監刑者從之  
年六十二道周以文章風節高天下忠言讜論守  
正不阿中遭貶竄矢志不移卒能致命成仁完名  
全節生平著述皆闡明經旨推究治道囊括大典  
體用兼該而最湛深於易經孝經在獄中猶艸易  
圖六十四象正手寫孝經百二十本其講學浙閩  
以格物致知爲第一要義而歸宿於至善獨遡洛

閩宗傳所居銅山在孤島中有石室自幼坐臥其  
中學者稱石齋先生所著有易象正三易洞璣榕  
坊問業等種乾隆四十一年

賜專諡忠端道光二年奉

旨從祀稱先儒黃子

東廡第六  
十二位









湯子斌字孔伯河南睢州人父祖契州學生斌  
 幼卽慕學于書無不讀尤好習宋諸大儒書順治  
 九年成進士授職詞垣旋擢潼關道陞嶺北道參  
 議時巨寇李廷玉伏戎深山密箐中斌設計擒獲  
 地方以靖終養回里間容城孫奇逢講學蘇門賃  
 驢往受業門下歸而所得益邃所行亦益力屹然  
 推中原巨儒復以薦起制科授翰林院侍講超擢  
 內閣學士巡撫江蘇時吳中競習豪侈喜鬪毆素  
 多淫祠事五通神尤嚴斌至悉禁毀之吳俗自是



聖廟元正圖考 卷三  
大變又奏豁積年民欠議減蘇松賦額擢禮部尚書還京時部民送者十萬餘人改工部尚書康熙二十六年卒于位年六十一斌之學其初用王守仁良知之言以立根脚而居敬以立體窮理以致用既尊德性仍道問學能持新安全豁之平其居官時奏議忠言讜論剴切詳明正色立朝始終一節所著有湯子遺書洛學編補唯州志文集等書自號荆峴晚又號潛庵康熙□□□年奉旨入祀陝西江西江南名宦祠雍正十一年奉

旨入祀賢良祠乾隆元年

賜謚文正今

上道光二年奉

旨從祀稱先儒湯子 東廡第六十三位









陸子隴其字稼書浙江平湖人父元以儒術稱隴其自幼端重靜默穎悟過人年十一爲文卽原本經術稍長厲志聖賢之學專以程朱爲宗居敬窮理粹然一出于正其于富貴利達泊如也康熙九年成進士授嘉定知縣潔已愛民力行節儉抑胥吏鋤豪右民俗丕變去官之日百姓攀留者數萬人旣不得請乃爭立祠尸祝之再補靈壽知縣惠政一如嘉定行取試四川道監察御史二疏極言時政直聲震天下因與衆不合遂改調歸家仍



以講學著書為務康熙三十一年卒年六十有三隴其德器粹然文必載道所著有文集十二卷外集六卷四書大全四書困勉錄四書講義續編松陽四書講義禮經會元讀禮隨筆讀朱隨筆戰國策去毒呻吟語質疑衛濱日鈔靈壽縣志等書皆發明經學講求治理有裨實用學者宗之雍正二年奉

旨從祀稱先儒陸子乾隆元年贈內閣學士謚清獻

東廡第六十四位

嘉永庚戌

